

Ovdaskuvla lea du máná dihte

ČÁLA OVDASKUVLLA OAHPPOPLÁNA BIRRA



Skolverket



Don leat dehálaš

Don ieš leat mánát lagamuš. Danin leat du oainnut dehálaččat ovdaskuvlii. Jus muitalat maid dovddat de lea bargiide álkit du máná buoremusat duhtadit. Don fertet diehtit go ovdaskuvla doaibma jus galggat sáhttit leat mielde váikkuhit. §

Seamma ulbmiliid guvlui

Ráđđehus lea dohkkehan oahppoplána gos lohká ovdaskuvlla árvovuodu ja makkár ulbmilat ja gohččumušat ovdaskuvllas leat. Go logat ovdaskuvlla oahppoplána de ipmirdat makkár vuordámušat ja gáibádusat dus sáhttet leat ovdaskuvladoaimmas

Leat suohkan ovdaskuvllat ja friddja ovdaskuvllat. Suohkana ovdaskuvllain lea ovddasvástádus politiikalaš válljen lávdegottis. Friddja ovdaskuvllain lea sierra stivrras ovddasvástádus. Visot ovdaskuvllat fertejit čuovvut oahppoplána.

Ovdaskuvla lea dábálaččat mánáide 1 ja 6 jagi gaskkas. Visot mánáide 3 ja 6 jagi gaskkas lea riekti ovdaskuvlii 525 diimmu jagis mii lea nuvtá.

» Ovdaskuvllas mánát galget
deaivvadit rávesolbmui guin
geat ipmirdit visot mánáid
mátolašvuodaid.«

OVDASKUVLLA OAHPPOPLÁNAS, LPFÖ 98 (RIEVDADUVVON 2010)



Lávkkis lávkkiin eallima oahpus

Ovdaskuvla galgá leat demokrátalaš vuodul. Lea nu ahte bargit galget háhkat rabas ja demokrátalaš birrasa gos juohke mánná beassá vásihit iežas ja iežaid árvvu.

Ovdaskuvlla doaibma galgá báidnot pedagogiikkain gos dikšu, fuolla, šaddadeapmi ja oahpaheapmi lea ovtta. Dat mearkkaša ovdaskuvla lea vuosttažettiin du máná dihte vaikko maid addá dutnje mátolašvuoda bargat dahje lohkat.

Oahppoplánas lohká stoahkan lea dehálaš máná ovdáneapmái ja oahppamii. Bargit galget beaivválaš plánenbarggus váldit vuhtii mánáid iežaset oainnuid, beroštumiid ja vásihemiid. Mánát galget beassat geahččalit sierra vugiid buktit ovdan mielaset, ieža okto ja ovtas iežáiguin, ovdamearkka dihte lávllu ja musiikka, gova, dánssa, dráma, ságasteami ja čállaga bokte.

Mánát galget sáhttit ovddidit iežaset kultuvrralaš iešdovddu. Mánáid giellaovdáneapmi lea dehálaš oassi ovdaskuvllas. Ovdaskuvla galgá leat veahkkin vai mánát geain lea iežá eatnigiella go ruotagiella ožžot mátolašvuoda ovddidit sihke ruotagiela ja iežaset eatnigiela.

Ovdaskuvla galgá vuosttildit árbevirolaš sohka-bealeminstariid ja sohka-bealesajiid. Visot nieiddat ja bárnit galget oažžut seamma mátolašvuodaid ovdánit.



Juohke ovdaskuvla lea ieš

Oahppoplána galgá dáhkidit visot mánáide seamma buori ovdaskuvlla, beroškeahttá gos orrot. Go visot ovdaskuvllat čuvvot seamma oahppoplána de sis lea maid seamma ulbmil. Muhto bargovuogit sáhttet leat mánggalágánat. Mii lea dohkálaš ovttá ovdaskuvlii ii soaitte doaibmat nuppis. Doaibma galgá leat soabaduvvon mánáide.

Suohkanis dahje friddja ovdaskuvlla stivrras lea váldeovddasvástádus ovdaskuvllas. Sáhtát daiguin váldit oktavuoda jus šaddet váigatvuodát maid don ja bargit dahje ovdaskuvlahoavda ehpet sáhte ieža čoavdit.

» Ovdaskuvla galgá movttiidahttit mánáid fuomášuhttit máilmmi birrašis.«

OVDASKUVLLA OAHPPOPLÁNA, LPFÖ 98 (RIEVDADUVVON 2010)





Ovttasbargu ruovttuin

Oahppoplánas lohká ovdaskuvlla bargu galgá leat lahka ja luohttevaš ovttasbargguin ruovttuin. Danin lea dehálaš don ságastat bargiiguin jus lea juoga maid jurddašat. Vuogas dilli lea dallego vieččat dahje buvttát máná(id). Dalle galgá bargi muitalit got du mánás lea leamas. Sáhtát maid muitalit jus juoga eareliiggánit lea dáhphuvvan mii sáhtta leat vuogas bargiide diehtit.

Bargit galget láhčit saji ovdánahttindeaivvademiide go ságastehpet go mánnát golaha áiggi ja ovdána ja got ovdaskuvla doaibmá. Oahppoplána galgá leat doarjjan ságastallamiidda.

» Ovdaskuvla galgá leat somá, dorvvolaš ja oahpahussan mánáide geat oassálastet. «

OVDASKUVLLA OAHPPOPLÁNA, LPFÖ 98 (RIEVDADUVVON 2010)





Háledatgo lohkat ollislaš oahppoplána?

Oahppoplána gávdno juohke ovdaskuvllas. Sáhtát dan dingot dahje deavdit oahppoplána iežat dihtorii Skuvladoaimmahaga webba-báikkis www.skolverket.se.

ISBN 978-91-87115-17-2

Grafisk form: AB Typoform

Omslagsfoto: Maskot

Foto inlaga: s 2 NordicPhotos, s 3 Kzenon/Shutterstock,
s 4 Yulya Shilova/Shutterstock, s 5 Michael McLain, s 6 NordicPhotos
Skolverket 2011

Skolverket